

## **Efni: Umsókn um leyfi til framkvæmda - Snæfellsjökull**

Umhverfisstofnun hefur móttækið umsókn Boðvíkur ehf, dagsett 6. júní 2021, um leyfi til starfsemi innan Þjóðgarðsins Snæfellsjökuls.

Þjóðgarðurinn Snæfellsjökull er friðlýstur sbr. reglugerð nr. 568/2001. Hvers konar atvinnustarfsemi og samkomuhald er óheimilt í þjóðgarðinum, nema til komi sérstakt leyfi Umhverfisstofnunar sbr. 17. gr. reglugerðarinnar. Mannvirkjagerð, efnistaka og hverskonar annað jarðrask er óheimilt nema til komi sérstakt leyfi Umhverfisstofnunar sbr. 18. gr. reglugerðarinnar. Rannsóknir á náttúrufari og menningarminjum í þjóðgarðinum eru háðar leyfi Umhverfisstofnunar sbr. 20. gr. reglugerðarinnar.

### **Lýsing verkefnis:**

Sótt er um framlengingu á leyfi til starfsemi innan Þjóðgarðsins Snæfellsjökuls sem gefið var út 26. apríl 2018. Gert er ráð fyrir óbreyttri starfsemi miðað við fyrri ár. Fyrirtækið býður upp á ferðir að toppi Snæfellsjökuls á tímabilinu desember til september. Farið yrði með snjótroðara og vélsleða að snjólínu í desember þar sem þeir væru staðsettir meðan starfsemi er í gangi. Snjósleðar yrðu fluttir á láglandið í júní/júlí og snjótroðararnir í ágúst/september. Um er að ræða 1-2 snjótroðara og 7 vélsleða. Gert er ráð fyrir 2-80 gestum í hverri ferð. Farnar yrðu 4-6 ferðir yfir sumartímann en eftir samkomulagi og veðri yfir veturinn.

### **Áhrifamat:**

Umhverfisstofnun metur verkefnið hafa takmörkuð áhrif á verndargildi svæðisins. Stofnunin telur að ummerki eftir starfseminna séu afturkræf en aðrir gestir þjóðgarðsins geta orðið fyrir truflunum. Umhverfisstofnun metur að hægt sé að draga úr neikvæðum áhrifum starfseminnar sé farið eftir skilyrðum leyfisins.

### **Skilyrði:**

Umhverfisstofnun veitir Boðavík ehf fyrir sitt leyti leyfi fyrir starfsemi innan Þjóðgarðsins Snæfellsjökuls sbr. lýsingu hér að ofan í tvö ár frá dagsetningu bréfsins að uppfylltum eftirfarandi skilyrðum:

- Hafa skal þetta bréf með í för í ferðunum og kynna fyrir starfsfólki þau skilyrði sem fylgja leyfinu og umgengisreglur þjóðgarðsins.
- Umhverfisstofnun skal tilkynnt um öll frávik við áður útgefna verkefnalýsingu, tímasetningum ferða og ef starfseminni er hætt.
- Virða skal umgengisreglur sem gilda um þjóðgarðinn.
- Einungis skal aka snjótroðurum stystu leið frá jökulrótum að áfangastað á jöklinum, stöðva vélar ökutækja á skipti- og áfangastöðum og aka með gát í grennd við göngufólk og aðra gesti þjóðgarðsins. Fordast skal að þenja vélar. Hraðakstur er óheimill í nágrenni við göngufólk.

- Troðarinn skal halda sig við sömu leið í öllum ferðum nema aðstæður á jöklinum breytist og forðast ber óþarfa slóðamyndun og rask. Ekki skal ýta til snjó nema öryggi krefjist þess og þá í óverulegu magni.
- Ef ekki er fært að jöklinum með ökutækjum skulu farþegar fyrirtækisins ganga til og frá næsta slóða/bílastæði að þeim stað sem snjótroðaranum og vélsleðunum er lagt.
- Fara skal eftir lögum um akstur utan vega og er allur akstur utan vega utan jökuls óheimill nema á frosinni og snævi þakinni jörð.
- Ekki skal aka að jöklinum nema á skilgreindum slóða sé hann til staðar ef jörð er ófrosin og snjólaus.
- Vandað verði við frágang eftir ferðir.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn. Berist olía eða glussi í snjó skal hann fjarlægður af jöklinum samstundis og tekin með til byggða.
- Starfsmenn fyrirtækisins gangi snyrtilega um svæðið og forðist allt rask og þess gætt að allur úrgangur verði fjarlægður.
- Fyrirtækið skal vera með öryggisáætlun.
- Í lok hvers árs skal skila skýrslu til Umhverfisstofnunar með yfirliti um störf fyrirtækisins innan þjóðgarðsins s.s. fjöldi ferðamanna, fjöldi ferða og annað er varðar starfsemina innan garðsins.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

**Leyfisgjald:**

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um framkvæmdir er kr. 39.400.- sbr. 24. gr. b. gjaldskrá Umhverfisstofnunar nr. 535/2015.

**Eftirlit:**

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Hildur Vésteinsdóttir  
sviðsstjóri

Jón Björnsson  
þjóðgarðsvörður